

Na osnovu člana 111. Zakona o osnovnom odgoju i obrazovanju („Službeni glasnik Unsko-sanskog kantona“, broj: 19/23 i 20/24), člana 8. i 9. Kolektivnog Ugovora za djelatnost predškolskog i osnovnog obrazovanja i odgoja za teritorij Unsko-sanskog kantona (Službeni glasnik USK-a broj: 11/24), Odluke Školskog odbora broj: 57-2/26 od 22.01.2026. godine, Saglasnosti za raspisivanje konkursa Ministarstva obrazovanja, nauke, kulture i sporta USK-a broj: 10-34-13406-3/25 od 04.12.2025. godine i Saglasnosti broj: 10-34-9998-2/25 od 29.08.2025. godine, JU OŠ „Gornje Prekounje-Ripač“ Bihać **r a s p i s u j e**:

JAVNI KONKURS
za popunu radnih mjesta

R.br.	Radno mjesto	Broj časova	Vrijeme angažiranja
1.	Nastavnik demokratije i ljudskih prava	3 časa	na određeno radno vrijeme, a najduže do kraja školske 2025/26. godine
2.	Nastavnik tehničke kulture	3 časa	na određeno radno vrijeme, a najduže do kraja školske 2025/26. godine
3.	Nastavnik fizike	4 časa	na određeno radno vrijeme, a najduže do kraja školske 2025/26. godine
4.	Nastavnik muzičke kulture	8 časova	na neodređeno radno vrijeme

OPIS POSLOVA:

- **Opis poslova za pozicije broj 1, 2, 3, 4;** Nastavnici organizuju i izvode nastavu prema Nastavnom planu i programu, izrađuju prilagođeni plan i program za djecu s teškoćama u razvoju, pripremaju i ocjenjuju školske pismene zadatke i pismene vježbe, organizuju i održavaju konsultacije učenika u izradi domaćih radova, održavaju popravne ispite, potiču i pomažu vannastavne aktivnosti učenika, organizuje i provodi takmičenje učenika prema planu i programu škole, pripremaju izvještaj o radu odjeljenja u kojem je razredni starješina i vodi razrednu administraciju, radi na svom stručnom i pedagoško-metodskom usavršavanju, učestvuje u radu stručnih i drugih organa škole, surađuje sa roditeljima učenika, obavlja i druge poslove određene Zakonom, Pedagoškim standardima, Pravilima i drugim općim aktima škole po nalogu direktora.

OPĆI UVJETI ZA IZBOR NA UPRAŽNJENA RADNA MJESTA:

- da je državljanin BiH,
- da je stariji od 18 godina,
- da je zdravstveno sposoban za obavljanje poslova utvrđenih za to radno mjesto
- da ima odgovarajuću diplomu, odnosno stepen stručne spreme utvrđen Nastavnim planom i programom za osnovne škole ili Pedagoškim standardima i normativima za osnovno obrazovanje
- da u posljednje 3 godine od dana objavljivanja upražnjenog radnog mjesta nije otpuštan iz državne službe kao rezultat disciplinske mjere na bilo kojem nivou vlasti u BiH,
- da nije obuhvaćen odredbom člana 9 stav (1) Ustava BiH (lica koja su rođena poslije 1980. godine nisu dužna podnositi dokaz da nisu obuhvaćena odredbom člana 9 stav (1) Ustava BiH)
- da se ne vodi krivični postupak protiv tog lica,

- da nisu osuđeni za krivično djelo koje ga s obzirom na prirodu krivičnog djela čini nesigurnim ili na drugi način nepodobnim za rad s djecom

POSEBNI UVJETI, MJESTO OBAVLJANJA RADA I RADNO VRIJEME:

Pozicija br.1. Završeno više ili visoko obrazovanje (VI ili VII stepen stručne spreme) ili završen prvi ciklus nastavničkog fakulteta (180 ili 240 ECTS bodova) po bolonjskom sistemu obrazovanja, na nastavničkom fakultetu ili drugom fakultetu i položenom pedagoško-psihološkom grupom predmeta i koji je obavezno prošao obuku stručnog usavršavanja za uže-stručnu oblast građanskog obrazovanja koju provodi CIVITAS obrazovni centar za demokratiju i ljudska prava i posjeduje sertifikat za uspješno završenu obuku iz programa CIVITAS „Osnove demokratije“. **Mjesto obavljanja rada: centralna škola i područna škola „Ripač“. Nepuno radno vrijeme od 6 sati sedmično.**

Pozicija br.2. Završen VI ili VII stepen stručne spreme ili 180 ili 240 ECTS, nastavnik/ profesor/ bachelor tehničke kulture, odnosno završen fakultet na kojem je grupa tehnička kultura ili grupa u kojoj je tehnička kultura glavni ili ravnopravni predmet u dvopredmetnoj grupi. **Mjesto obavljanja rada: centralna škola i područna škola „Ripač“. Nepuno radno vrijeme od 6 sati sedmično.**

Pozicija br.3. Završeno više ili visoko obrazovanje (VI ili VII stepen stručne spreme) ili završen prvi ciklus nastavničkog fakulteta (180 ili 240 ECTS bodova) po bolonjskom sistemu obrazovanja, nastavnik/profesor ili bachelor fizike, odnosno završen odgovarajući nastavnički fakultet na kojem je grupa fizika glavni ili grupa u kojoj je fizika glavni ili ravnopravni predmet u dvopredmetnoj grupi. **Mjesto obavljanja rada: centralna škola. Nepuno radno vrijeme od 8 sati i 53 minute sedmično.**

Pozicija br.4; Završeno više ili visoko obrazovanje (VI ili VII stepen stručne spreme) ili završen najmanje prvi ciklus nastavničkog fakulteta (180 ili 240 ECTS bodova) po bolonjskom sistemu obrazovanja, odnosno odgovarajući fakultet sa zvanjem nastavnik/profesor ili bachelor muzičke kulture ili bilo koji odsjek muzičke akademije s položenom pedagoško-psihološkom grupom predmeta. **Mjesto obavljanja rada: centralna škola i područna škola „Ripač“. Nepuno radno vrijeme od 16 sati sedmično.**

Uz prijavu kandidati su dužni priložiti dokaze o ispunjavanju propisanih uvjeta :

1. svojeručno potpisana pisana prijava na javni konkurs sa kratkom biografijom, kontakt podacima, podacima kandidata, tačnom naznakom na koju poziciju konkuriše i tačno navedenom dokumentacijom koja se prilaže uz prijavu na javni konkurs,
2. ovjerena kopija diplome/svjedodžbe o stečenoj stručnoj spremi ili akademskom zvanju,
3. izvod iz matične knjige rođenih, original ili ovjerena kopija,
4. uvjerenje o državljanstvu (ne starije od 6 mjeseci od dana objavljivanja javnog konkursa),
5. ovjerena izjava kod nadležnog organa da nije otpušten iz državne službe kao rezultat disciplinske mjere na bilo kojem nivou vlasti u BiH.
6. ovjerena izjava da nije obuhvaćen odredbom člana 9. stav (1) ustava BiH.
7. druge dokaze o ispunjavanju uslova za to radno mjesto utvrđene Zakonom, Nastavnim planom i programom, Pedagoškim standardima i Pravilnikom o unutrašnjoj organizaciji i sistematizaciji radnih mjesta
8. rješenje/uvjerenje nadležnog općinskog/kantonalnog organa o priznavanju svojstva užeg člana porodice šehida/poginulog branioca, člana porodice nestalog i umrlog branioca, dobitnika ratnog priznanja i odlikovanja, člana porodice poginulog, umrlog i nestalog dobitnika ratnih priznanja i odlikovanja, ratnog vojnog zarobljenika i demobilisanog

branioca, ratnog vojnog invalida, člana porodice ratnog vojnog invalida, civilne žrtve rata i člana porodice civilnih žrtava rata.

U SLUČAJU POTREBE PRIMJENE ČLANA 11. STAV (5) I (6) PRAVILNIKA ZA PRIJEM U RADNI ODNOS U OSNOVNIM I SREDNJIM ŠKOLAMA UNSKO-SANSKOG KANTONA (SL. glasnik USK-a broj: 29/21) KANDIDATI SU DUŽNI DOSTAVITI DODATNU DOKUMENTACIJU:

1. Uvjerenje o dužini radnog iskustva na poslovima radnog mjesta za koje konkuriše (uvjerenje poslodavca kod kojeg kandidat radio ili radi, koje mora biti precizno i detaljno, odnosno u kojem treba da stoje podaci o tome na kojim poslovima je kandidat radio, naziv radnog mjesta i stručna sprema, vremenski period obavljanja poslova, te da li su to poslovi na puno ili nepuno radno vrijeme. Poslodavac je dužan nepuno radno vrijeme preračunati u puno radno vrijeme).
2. Kandidati koji su obuhvaćeni Zakonom o dopunskim pravima branilaca i članova njihovih porodica Unsko –sanskog kantona dužni su dostaviti pravosnažno rješenje nadležnog organa o pripadajućim pravima koje glasi na njihovo ime.

Dokumentacija koja se podnosi uz prijavu mora biti u originalu ili u ovjerenoj kopiji i ne može biti starija od 6 mjeseci.

Izbor i prijem kandidata prijavljenih na konkurs izvršit će se na osnovu Pravilnika za prijem u radni odnos u osnovnim i srednjim školama Unsko-sanskog kantona ("Službeni glasnik USK-a broj: 29/21), u daljem tekstu: „Pravilnik“.

Postupak izbora i prijema kandidata/kinja po javnom konkursu izvršit će se prema odredbama Pravilnika.

Komisija za izbor nastavnika i stručnih saradnika obaviti će postupak izbora kandidata koji ispunjavaju uvjete javnog konkursa. O terminu postupka izbora kandidati će biti obavješteni putem telefona, a lista sa utvrđenim terminom postupka se objavljuje i na oglasnoj tabli škole.

Za kandidate koji se ne odazovu pozivu u datom zakonskom roku, prijave se neće razmatrati.

Kandidati koji se nisu kvalifikovali u daljnju proceduru će biti obavješteni pismenim putem sa poukom o pravnom lijeku od strane škole.

Izabrani kandidat dužan je prije stupanja na posao dostaviti ljekarsko uvjerenje nadležne zdravstvene ustanove koje ne može biti starije od 6 mjeseci i uvjerenje o nekažnjavanju koje izdaje Ministarstvo unutrašnjih poslova po mjestu rođenja osobe.

Javni konkurs ostaje otvoren 8 dana od dana objavljivanja u novinama.

Nepotpune, neuredne i neblagovremene prijave neće se uzimati u razmatranje.

Za dodatna obavještenja i informacije u vezi javnog konkursa kandidati mogu kontaktirati školu/sekretara na broj telefona: 037/319-231.

Prijave, sa potrebnom dokumentacijom, dostavljaju se u roku od 8 dana od dana objave javnog konkursa Komisiji, u zatvorenoj koverti putem pošte, preporučeno na adresu:

JU OŠ “Gornje Prekounje-Ripač”

Mehe Hadžiabdića bb

77000 Bihać

sa naznakom

„NE OTVARAJ - PRIJAVA NA JAVNI KONKURS“

Direktor škole:

/ Mirzet Sagrković, prof. /